

TERMA DAN SYARAT
PERADUAN DOODLE SUPERHEROES 2025

1. Peraduan *Doodle Superheroes 2025* diadakan bertujuan untuk membuka peluang kepada individu yang berbakat dan kreatif untuk mengekspresikan semangat penabungan melalui seni coret atau *doodle* sekaligus berpeluang memenangi hadiah menarik dengan jumlah keseluruhan bernilai RM2,000 untuk dimenangi oleh 16 orang pemenang.
2. Peraduan ini terbuka kepada peserta peringkat **sekolah rendah dan sekolah menengah**, maklumat adalah seperti di bawah:

Peraduan Doodle Superheroes 2025

- i. Kategori 1: Peserta berumur 7 hingga 12 tahun
- ii. Kategori 2: Peserta berumur 13 hingga 17 tahun

TEMPOH PERADUAN

3. Tempoh peraduan pada **15 September 2025 sehingga 14 Oktober 2025**.
4. PTPTN mempunyai hak mutlak untuk menukar atau meminda tarikh peraduan ini sekiranya perlu dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalendar sebelum tarikh tersebut.

KELAYAKAN PENYERTAAN

5. Terdiri daripada warganegara Malaysia.

CARA PENYERTAAN

6. Peserta perlu menghasilkan satu karya *doodle* bertemakan “*Adventure – 2025*”. Karya yang dihasilkan perlulah mempunyai elemen ‘penabungan’ dan ‘Simpan SSPN’.
7. Karya mesti asli dan merupakan idea asal diri sendiri.
8. Karya boleh dihasilkan dalam bentuk digital atau tradisional (lukisan tangan) samada berwarna atau *artline* bersaiz A4.
9. Karya perlu dihantar dalam format JPEG/ PNG/ PDF.
10. Peserta perlu mengisi borang dan menghantar penyertaan melalui Google Form di pautan: <https://bit.ly/DoodleSuperheroes2025> **selewat-lewatnya 14 Oktober 2025, jam 11:59 malam**.
11. Setiap peserta dibenarkan menghantar satu (1) penyertaan sahaja.

PEMILIHAN PEMENANG

12. Pemenang akan dipilih berdasarkan pemarkahan panel juri yang dipilih oleh pihak PTPTN.
13. Keputusan pemenang yang diumumkan oleh PTPTN adalah **muktamad**. Sebarang surat menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan bagi mana-mana situasi.

HADIAH PERTANDINGAN DAN TUNTUTAN HADIAH**i. PERINGKAT SEKOLAH RENDAH**

KATEGORI	PEMENANG	HADIAH
Kategori 1 7 – 12 tahun	Pertama	RM350 + e-Sijil x 1 pemenang
	Kedua	RM250 + e-Sijil x 1 pemenang
	Ketiga	RM150 + e-Sijil x 1 pemenang
	Saguhati	RM50 + e-Sijil x 5 pemenang

ii. PERINGKAT SEKOLAH MENENGAH

KATEGORI	PEMENANG	HADIAH
Kategori 2 13 - 17 tahun	Pertama	RM350 + e-Sijil x 1 pemenang
	Kedua	RM250 + e-Sijil x 1 pemenang
	Ketiga	RM150 + e-Sijil x 1 pemenang
	Saguhati	RM50 + e-Sijil x 5 pemenang

14. e-Sijil akan diberikan kepada peserta dan pemenang yang menyertai peraduan.
15. Pemenang akan dimaklumkan melalui e-mel/ media sosial rasmi PTPTN, @PTPTNOfficial atau kaedah penyampaian lain yang bersesuaian.
16. Hadiah berbentuk ganjaran tunai yang dimenangi akan dikreditkan ke dalam akaun simpanan Simpan SSPN Prime pemenang yang dibuka untuk diri sendiri dalam tempoh **DUA (2) BULAN** daripada tarikh pengumuman pemenang. Sekiranya pemenang tidak mempunyai akaun Simpan SSPN Prime, pembukaan akaun akan dibuat berdasarkan kepada butiran akaun di Simpan SSPN Plus. Jika pemenang tidak mempunyai akaun, pihak PTPTN akan membuat pembukaan akaun tersebut secara **pre-opening**.
17. Hadiah yang dimenangi tidak boleh dipindah milik atau ditukar sama ada sebahagian atau keseluruhannya kepada bentuk lain selain yang ditetapkan oleh PTPTN.
18. Jika pemenang didapati tidak memenuhi syarat-syarat untuk mengambil bahagian dalam peraduan ini atau menebus hadiah yang diberikan, PTPTN berhak untuk membatalkan atau mengambil semula hadiah dan menganugerahkan hadiah yang sama kepada pemenang yang lain sebagaimana yang ditentukan oleh PTPTN.

19. Pemenang perlu menanggung semua kos tuntutan hadiah dan kehadiran ke majlis penyampaian hadiah, jika berkenaan.
20. Pemenang hendaklah bertanggungjawab ke atas apa-apa caj yang boleh dikenakan terhadap mereka di bawah undang-undang, jika berkenaan.
21. Hadiah perlu dituntut oleh pemenang dalam tempoh **DUA BELAS (12) BULAN** daripada tarikh pengumuman pemenang. Pihak PTPTN tidak akan melayan sebarang tuntutan selepas tamat tempoh tersebut.
22. Sekiranya pemenang meninggal dunia, waris yang sah boleh menuntut hadiah dalam tempoh **DUA BELAS (12) BULAN** daripada tarikh pengumuman pemenang.
23. Pemenang atas warisnya dianggap telah melepaskan hak mereka jika gagal menuntut hadiah dalam tempoh yang telah ditetapkan.
24. Keputusan pemenang yang diumumkan oleh PTPTN adalah muktamad. Sebarang surat- menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan bagi mana-mana situasi.

PERUNTUKAN UMUM

25. Untuk mengambil bahagian dalam peraduan ini, pendeposit mestilah termasuk di dalam kriteria kelayakan dan memenuhi mekanisme peraduan. Melainkan dinyatakan sebaliknya oleh pihak PTPTN, pendeposit tidak perlu menandatangani atau melengkapkan apa-apa borang permohonan untuk mengambil bahagian dalam peraduan ini.
26. Penyertaan pendeposit di dalam peraduan ini adalah atas risiko pendeposit sendiri. PTPTN tidak akan bertanggungjawab di atas sebarang kecederaan, kehilangan, kerosakan atau tuntutan akibat penyertaan tersebut.
27. PTPTN berhak meminda, membatalkan atau menambah mana-mana terma dan syarat di dalam peraduan ini sama ada secara keseluruhan dengan memberi notis awal melalui laman web rasmi PTPTN/ media massa/ paparan notis di cawangan-cawangan PTPTN atau apa- apa cara yang difikirkan sesuai sekurang-kurangnya dua puluh satu (21) hari kalendar. Pindaan, pembatalan atau penambahan tersebut adalah dianggap mengatasi pernyataan seperti mana yang terkandung di dalam bahan promosi pengiklanan yang berkaitan dengannya. Untuk mengelakkan keraguan, sebarang pembatalan, penamatan atau penggantungan peraduan ini oleh PTPTN tidak akan memberi hak kepada mana-mana pendeposit untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut.
28. Pendeposit adalah dinasihatkan untuk melayari laman sesawang PTPTN dari semasa ke semasa untuk menyemak terma dan syarat serta mengambil maklum atas sebarang perubahan atau pindaan kepada terma dan syarat ini.

29. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya.
30. PTPTN berhak membatalkan sebarang penyertaan tanpa sebarang notis, sekiranya didapati pendeposit tidak layak dan tidak mengikut terma dan syarat yang telah ditetapkan.
31. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung peraduan ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
32. Sekiranya terdapat percanggahan terma dan syarat peraduan ini di dalam bahan pengiklanan, promosi, publisiti dan bahan-bahan lain berkaitan dengan peraduan ini, maka terma dan syarat di dalam laman web rasmi PTPTN adalah yang muktamad. Sebarang perkara mengenai peraduan yang tidak dinyatakan dalam terma dan syarat adalah bergantung kepada budi bicara mutlak pihak PTPTN.
33. PTPTN boleh menggunakan penyertaan pendeposit termasuk tanpa terhad kepada gambar, lukisan, teks, dan kandungan atau maklumat lain yang dikemukakan untuk tujuan promosi (secara kolektif dinamakan "Bahan"), dan nama pendeposit, dan/ atau persamaannya, untuk tujuan pengiklanan, publisiti dan promosi mana-mana barangan atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Pendeposit hendaklah melakukan segala perkara yang perlu untuk tujuan ini jika diminta oleh PTPTN.
34. Segala surat-menyurat yang dihantar ke alamat terakhir mengikut rekod PTPTN dianggap telah diserahkan kepada pendeposit.

*Nota: Anda dinasihatkan untuk membaca dan memahami Terma & Syarat penuh
Peraduan Doodle Superheroes 2025*

Maklumat dikemas kini pada 9 September 2025